

南溪縣志卷之一

星野志

自保章氏以星土辨九州之地所封封域皆有星分以觀妖祥此星野之所自昉也迨九州分野之書亡後世業堪輿者言人人殊漢儒鄭康成已疑其誕茫茫藍蔚何從憑管見而知審也矧以彈丸百里之區必求合乎天文躔度之次彼謂在天一度統地二千餘里三千餘里之不相侔者其說將安據耶然而成象成形義經亦詳俯仰之義言其里不必泥其數是在解人無膠柱可

南溪縣志

卷一

星野

也志星野

敘州府屬井鬼之分入參三度爲鶉首之次

通志

按南溪西界在府東四十里縣城在府東一百一十里則地自當入參三度爲鶉首之次

觜星歌

觜三星相近作參燕觜上坐旗直指天尊卑之位九相連司怪曲立坐旗邊四鷗大近井鉞前

參星歌

參總是七星觜相侵兩肩雙足三爲心伐有三星足裏

深玉井四星右足陰屏星兩扇井南襟軍井四星屏
上吟左足下四天廁臨廁下一物天屎沉

井星歌

井八星行列河中靜一星名鉞井邊安兩河各三南北
正天樽三星井上頭樽上橫列五諸侯侯上北河西
積水欲覓積薪東畔是鉞下四星名水府水位東邊
四星序四瀆橫列南河裏南河下頭是軍市軍市團
圓十三星中有一個野鷄精孫子丈人市下列各立
兩星從東說闕邱三箇南河東邱下一狼光蓬茸左

畔九箇彎弧弓一矢擬射頑狼胸有箇老人南極中
春秋出入壽無窮

鬼星歌

鬼四星册方以朱櫃中央白者積尸氣鬼上四星是燿
位天狗七星鬼下是外厨六間柳星次天社六箇弧
東何社東一星是天記

南溪縣表 屬 叙州府

南溪縣

楚道縣地

兩漢

三國漢

晉

梁

魏周

隋

唐五代

宋

元

明

南廣縣

南廣縣

南溪縣

南溪縣

南溪縣

南溪縣

南溪縣

兼置六同郡

開皇九年初為州治乾德中移屬叙州路廢郡仁壽後屬初更名屬健為郡

治屬叙州

屬叙州路

屬叙州府

南溪縣志

卷一

沿革志

世謂秦併天下而封建遂廢郡縣之制創於秦而實不自秦始也顧甯人曰知錄已辨之詳矣南溪古楚侯國漢武開西南夷置犍爲郡楚道縣屬焉梁改爲南廣縣兼置六同郡則其地曾爲郡治矣隋開皇初廢郡仁壽初更今名唐初置戎州治南溪貞觀中徙治楚道長慶中復治南溪則其地曾爲縣治矣人物一都之會非荒畧之邑可比自宋時以屬敘州自元迄明無有更易皇朝因之其隸屬之制分併之宜徵諸史乘可參覈而稽

南溪縣志

卷一

沿革

也志沿革

大清一統志漢楚道縣地梁分置南廣縣并置六同郡隋開皇初郡廢仁壽初改曰南溪屬犍爲郡唐初爲戎州貞觀中州移治楚道長慶中復爲州治會昌二年復移州還楚道以縣屬之宋屬敘州元屬敘州路明

屬敘府

皇朝因之

通志同

漢書地理志犍爲郡縣十二一曰楚道八曰南廣註云汾關山符黑水所出北至楚道入江

按南溪在漢爲熨道縣地至梁時始有南廣之名漢書所云南廣縣註云汾關山符黑水所出指今珙高筠連三處地與南溪不涉南廣之名同而有符黑水之南廣非南溪也自梁移南廣於南溪而後人遂以梁之南廣爲卽漢之南廣沿訛久矣不可不辨

隋書地理志梁置曰南廣及置六同郡開皇初郡廢仁壽初縣改名焉

唐書地理志漢南廣縣屬犍爲郡後周於廢郡置南武戍隋改龍源戍又置爲南溪縣也

南溪縣志

卷一

沿革

二

元和郡縣志南溪縣本漢南廣縣地梁於此立南廣縣屬戎州仁壽二年改爲南溪縣

宋史地理志屬敘州南溪縣中乾德中移治舊奮戎城有鹽井

太平寰宇記南溪縣漢犍爲郡南廣縣後廢爲南武戍隋仁壽二年改爲龍源戍避諱改爲南溪縣在熨溪之南因爲縣名

元豐九域志中南溪州東南五十二里有登北鹽井有平蓋山青衣江馬湖江

元史地理志屬敘州路路屬敘南等處蠻夷宣撫司置南溪縣下

明史地理志屬敘州府置南溪縣府東南濱大江中有石筍灘在縣西又有銅鼓灘在縣東又南有青衣水流入大江

縣志禹貢梁州之域尚書道黑水集傳云黑水地志出犍為郡南廣縣汾關山皇輿表犍

為郡南廣縣今敘州府南溪縣古夔侯國秦為西南夷地漢武開西

南夷置犍為郡改夔道縣南溪宜賓同為夔道縣地屬犍為郡縣西為

戎州故城梁改置南廣縣於此舊志古戎州在今縣西七十里即今之李

南溪縣志 卷一 沿革 三

庄驛是也隋開皇初郡廢仁壽初改曰南溪屬戎州唐武

德初戎州嘗移治於此貞觀中改為屬縣長慶中又

為州治會昌二年復為屬縣乾符二年分置奮戎城

宋熙甯中移縣治之寰宇記在州東一百二十里即今治或以奮戎城在府南又或

以為縣即漢之南廣皆誤宋元屬敘州明屬敘州府

皇朝因之仍隸敘州府下南永甯道分巡

按舊志載南溪縣為夔侯國漢武開西南夷置犍為郡

改夔道縣至梁又改為南廣縣至隋又改為南溪縣

此南溪沿革也流傳已久匪今斯今然嘗考華陽國

志及綱目諸書其說有不盡合者華陽國志晉成都常道將撰晉時去漢未遠道將屬產立說當必有據

其志犍爲郡云犍爲郡孝建元六年置按建元六年歲在丙午漢

武登極時治警縣十二漢戶十萬警故犍爲地有犍

山見保乾圖武帝初欲開南中令蜀通犍青衣道犍

道令通之費功無成百姓愁怨司馬相如諷諭之使

者唐蒙將南入以道不通執令斬之後蒙爲都尉治

南夷道元光五年郡移治南廣按元光五年歲在辛亥漢武改元五年也

孝昭元年郡治犍道按孝昭元年歲在乙未漢昭始元元年也至晉屬縣

南溪縣志

卷二

四

五戶二萬去洛三千二百七十里又志犍道縣云犍

道縣在南安東四百里距郡百里高后六年城之按高

后六年歲在己未治馬湖江會水通越嶲舊本有犍人故秦

紀言犍童之富漢民多漸斥徙之犍爲犍道見於華

陽國志者如是考犍道縣城於高后六年己未治馬

湖江犍爲郡置於孝武建元六年丙午治警縣是犍

道縣之名已見於未置犍爲郡四十八年之前矣後

漢武欲開南中令蜀通犍青衣道犍道令通之無功

始今唐蒙爲都尉治南夷道是犍道有城有令有治

其先於犍爲也更明矣犍爲郡始治鬯再移治南廣
又移治犍道在漢屬縣十二在晉屬縣五犍道縣均
隸焉是犍道縣雖見於未有犍爲郡之前而其屬犍
爲郡斷不始於改名南廣改名南溪之後且漢武元
光五年已有郡移治南廣之文是南廣之名亦不始
於梁也又元和郡縣志太平寰宇記云隋仁壽二年
南廣縣避諱改爲南溪縣考仁壽爲隋文帝年號楊
廣自立於仁壽四年又何必於二年之前預爲楊廣
避諱耶其說似不可信總之今昔輿圖廣狹不同稱

南溪縣志

卷一

沿革

五

名亦異秦犍道縣包今宜賓慶符屏山南溪筠連高
珙之地而言漢武分犍道南廣爲二縣以宜賓慶符
屏山三縣地爲犍道縣以南溪高珙筠連四縣地爲
南廣縣後又就南廣一縣地分爲四縣筠連高珙則
更易新名南廣則從古縣名而仍稱南廣也漢地理
志犍爲郡縣十二一曰犍道入曰南廣又註云汾關
山符黑水所出北至犍道入江是時尚未分四縣總
名曰南廣水爲筠連高珙所出固宜統以南廣言也
其言北至犍道入江者爾時慶符地屬犍道尙未有

慶符之名考今黑水由南廣入江屬慶符縣其地則
筠連高珙之北其言北至入江也固宜然水既自古
之熒道卽今慶符入江何以其地又名曰南廣漢書
註云南廣縣汾關山符黑水所出以溯委窮源之義
論之此水爲南廣所出仍名入江之地爲南廣亦無
不宜惟論古者能知漢與梁之南廣命名先合後分
畫疆先廣後狹筠連高珙南溪古皆名爲南廣則解
矣能知南溪第爲古南廣之一隅則更解矣至南廣
改爲南溪其爲隋避諱或然而改在仁壽二年仁壽

初年則未必然耳

疆域志

周禮大司徒掌建邦土地之圖周知九州地域廣輪之數夏官形方氏掌制邦國之地域而正其封疆誠以地邑民居必參相得也將式象以縣長在立防而不紊其斯意乎邑居蜀之東南縱橫不二百里畛域之限固一覽而知然而設官分邑各有專司則此疆爾界之釐然無混者猶見先王分畫之遺意而守土者亦各效其繭絲保障之能是慎固封守實良有司責也志疆域

縣治在布政司東南九百里在府東一百里東西距一

南溪縣志

卷一

疆域

一

百三十五里南北距一百六十里東至直隸瀘州江安縣界三十五里西至宜賓縣界一百里南至長甯縣界二十里北至宜賓縣界一百四十里東南至長甯甯縣界三十里西南至慶符縣界八十里東北至富順縣界一百二十里西北至宜賓縣界七十里

南溪居府治疆域之中西南夔犛苗獠則隔以大江且有長甯興文慶符筠連及高珙六邑爲之屏障百餘里之內無大箐險山其汛防把總駐居城內無歷代營壘遺蹟

按舊志載東北至直隸瀘州界考南溪毗連者五縣東
北係縣屬之梵音寺與富順飛龍觀交界並非瀘州
也次條東北則與江安瀘州富順宜賓相接壤句亦
誤茲確查里數界至改正並將九里交界處所臚列
於後

留賓里

黃龍溪與江安木頭灘交界距城二十里
界牌與江安水晶舖交界距城三十五里
橫梁子與江安廣福場交界距城四十里

南溪縣志

卷一

疆域

二

江南橋與江安石壩河交界距城四十里
白茅寺與江安石壩河交界距城五十里

白雲里

白雲寺界牌與富順陳家壩交界距城六十里
牟亭舖界牌與富順曹家坡交界距城一百二十里
太平場紅岩與富順石沙子交界距城一百四十里

中華里

土門壩與富順飛龍場交界距城五十里
香爐山與富順大壩交界距城五十里

上高熊里

掛弓山與宜賓葛公沱交界距城一百里

雙石碑與宜賓文家壩交界距城八十里

黃葛舖與宜賓白沙場交界距城九十里

牯牛沱與宜賓邱家場交界距城一百四十里

合水溪與宜賓何家嘴交界距城七十里

大石盤與富順薄刀嶺交界距城一百四十里

萬彭山與富順么姑巖交界距城一百二十里

石柱廟與富順白菓園交界距城一百二十里

南溪縣志

卷一

疆域

三

下高熊里

水草溝與宜賓孟家巖交界距城九十里

龍華塘與宜賓龍華觀交界距城八十里

何家嘴與宜賓高店場交界距城七十里

石凸井與宜賓青龍壩交界距城八十里

上桂里

水流溪與慶符南廣交界距城一百里

黃河口與慶符甘家溝交界距城一百里

紅廟子與慶符景杠子交界距城一百一十里

高湖里

界公石與長甯水流寺交界距城二十里

馬家場與長甯馬家場交界距城二十里

老鷹巖與長甯余家壩交界距城三十里

山村里

牟家場與長甯周家壩交界距城七十里

山村壩與長甯龍灘背交界距城一百二十里

大磱與長甯景家壩交界距城一百二十里

朱家壩與長甯斗溝子交界距城一百二十里

南溪縣志

卷一

疆域

四

普安里

新店子與慶符際天壩交界距城八十里

漏嵐丫與慶符韓許溝交界距城一百三十里

白巖溝與長甯三元寺交界距城一百三十里

形勝志

自王公設險守國帶礪之形重焉周官司險之掌凡山林川澤之阻咸周知之所以順地利而輯民生也南溪雖地僻方隅而襟山帶河沃野百里天馬鳳凰陳其狀魚津銅鼓秉其靈迤邐自龍騰而來論苞總者斯為首稱壯哉縣亦東道之雄也烈是前莘後河石盤嶽峙之衝扼天下者始足侈談形勝哉志形勝

龍騰之淵旋於左桂輪之山環於右通志

俯大江而平眺海樓則烟雨迷離仰石磴之盤紆雲臺

南溪縣志

卷一

形勝

則嶙峋突出學宮碑

桂山蔚秀蓉水清漣廟碑

八景

琴山松風

縣南岸一山隔江橫亘如眠琴於上徽軫宛然種松千

株蓊鬱可愛四時風濤偶過不啻撫琴一弄邑令崔

光儀因於城闈之上顏其樓曰聽琴

蘆亭晚渡

渡在縣西南對岸上為蘆亭壩小艇往來傍晚尤多每

當鴉噪夕陽風來水面榜人蕩槳則款乃時聞行客
揚帆亦行歌互答溫庭筠利州南渡句云柳邊人歇
待船歸宛繪寫其概

海樓煙雨

縣南琴山之側危巖半開中空如室昔人倚巖爲樓俯
臨大江名曰漂海當天朗氣清凭欄遠眺西攬桂輪
之勝東挹瀛洲之奇及陰雲四布煙雨迷離隔江遙
望如蜃樓如海市不可端倪云

龍騰晚照

南溪縣志

卷一

形勝

二

縣東里許二溪匯流兩山聳峙實爲東隅屏障四時晴
霽返照入江光騰峭壁閃閃盪目其下爲濯纓巖巖
左爲李公洞石牀丹竈俱在皆勝蹟也

仙觀晴霞

觀與龍騰相連舊名第一山朝曦初起觀頂晴光遙射
千熊萬狀不可方物舟行者挂席其下望之以爲不
啻赤城云

鎮瀾夜月

縣東八里許中流有洲建閣於上曰瀛洲當秋景澄清

皓月初升自瀛洲而上雖萬頃波瀾西來東瀉而水
月交映如一片琉璃朗然鎮定誠一邑之勝也

瑞雲鬢鬢

縣北里許山曰瑞雲橫眠成嶺或凹或凸如魚鱗之疊
如鳳翼之懸輪囷離奇繚繞繽紛惟帝世紉縵歌差
足髣髴其妙

桂溪釣艇

縣西五里許有大溪源頭活水汨汨乎來清可鑑影游
魚潑刺其中真纖鱗不隔也昔兩岸多叢桂秋月花

南溪縣志

卷一

形勝

三

開香聞數里明新都楊升菴偕邑人劉景寅昆季嘗
泛舟垂綸於此

山川志 水利附

西南山水惟蜀最奇劔門之壯瞿唐之險含通吐靈甲天下久矣此外一郡一邑枝峰蔓壑莫非扶輿清淑之所鍾揚子所謂北屬崑崙千浚萬谷者良有以也南溪雖介在一隅而地處當衝其一種磅礴之氣積而爲岡陵之羅峙散而爲川澤之環流若拱而隨若蟠而遶爭爲奇狀者可指以名則按區析載亦望秩之所不廢云

志山川

龍騰山在縣東二里下瞰大江其北有石橫空長四丈

南溪縣志

卷一

山川

許俗呼爲龍橋山半有洞深四丈相傳李八百所鑿額鐫八分書李公洞三字遒勁可觀洞下有岑參別業蓋參罷嘉州時寓此有別墅詩詳藝文

平蓋山在縣西十五里其地有三山九隴惟此特出眾山之上山頂圓平似蓋明統志一名牛心山一名瑪瑙山漢真人劉景鶴隱此煉丹有石洞深邃上有石穴圓如琰有水出焉取之不竭又有木葉紋如篆謂之符葉元和志平蓋山在南溪縣多荔枝

龍磨角山在縣西六十里其山巉巖有劃破跡相傳龍

嘗於此磨角故名

桂輪山在縣西七十里石壁上有黃庭堅書大桂輪山四字明戴弼有詩詳藝文

琴山在縣南隔江二里狀如琴橫洲渚間俗云無徽則琴不鳴元時熊萬戶者乃聚土爲徽依巖閣刻羅漢諸像以成其勢

可廬山元和志在縣南五十里山多筇竹蜀志補遺作可無山今訛可廬山

瑞雲山在縣北二里雲氣常結而不散故名

南溪縣志

卷一

山川

二

雲臺山在縣北八十里明進士江忱唐佐讀書於此元廖蜀望有詩詳藝文

隱山在縣東南王象之輿地紀勝在縣東南逾江七里龍透山在縣東十五里山腹有洞穴深廣十餘丈其石紋斑駁陸離凸凹蜿蜒如卧龍盤屈中鱗甲宛然蠕蠕欲動

龍透洞在縣東北三十里一石橫飛中空直過南北相望軒殿開明春則雲氣吞吐夏則涼颺兩腋秋則桂影平穿冬則寒烟雙引壁間一勺之流迸石而出清

洌香矣遊憩其際真別有洞天南溪第一奇景也昔人題詠頗多年深剝落無存王大騏有詩刻石尙存詳藝文

鳳鳴山在縣西七十里明建有鳳鳴寺邑人牟志夔有碑記今圯

芙蓉山在縣北六十里凌雲寺後狀如芙蓉每於雨後烟霽中尤靄靄多態

鐵峯山在縣北六十里
獅子山在縣南五十里

南溪縣志

卷一

山川

三

象鼻山在縣西南五十里

聯雲山在縣北八十里與雲臺山迤邐而來雲氣常聯結不散故名

獅子抱毬山在縣北八十里雲臺山之右聯雲山之左有巨石如毬山形蜿蜒曲抱狀如伏獅故名

鳳凰山在縣北里許形似鳳凰首尾兩翼俱全明萬曆三年知縣陳忠改建學宮於此卽唐楊發書院遺址嘉靖十一年勅建敬一亭於右暨程子四箴碑四通真氏心箴碑一通上諭碑一通及創建碑記尙存今

復遷學宮於此

石龍山在縣東十五里頂有石峯高五丈許傍有巨石如盤龍狀俗名雞罩山

龍寶山在縣東十五里其山卓立端嚴憑闔觀望圓如彈丸故名龍寶

天井山在縣西南六十里

千伏山在縣南五十里

香爐山在縣東北四十里

二郎山在縣東南十里

南溪縣志

卷一

山川

四

紗帽山在縣南二十里

觀斗山在縣東十五里此山高十餘丈其上寬平嘗有土人墾地得箭鏃無數相傳諸葛武侯嘗觀星斗於此

天馬山在縣東三十里有奇數山蟬聯一山前仰後俯形如駿馬登坂邑人呼爲朝天馬

獅來山在縣南隔大江五里一峰突起狀如獅首故名
幞頭山在縣北二十里脈自雲臺山蜿蜒而來千巖競秀萬木爭榮至幞頭山岡巒突兀形似巾幘因名

鐵柱山在縣西五里脈自幞頭山麓之穴臺坪來約十里許突起峯巒形如鐵柱前繞大江左右雙溪如帶大江自嘉定府犍爲縣流入東南流逕宣化故城北又東遶府城北而東南出合馬湖江又東逕南溪縣南又東南入瀘州江安縣界酈道元水經注江水自武陽又東南逕樊道縣北若水流水合從西來注之又東與符黑水合又逕漢安縣北元和志汶江流逕樊道縣東北又逕南溪縣南皆去縣十步按江源有三大支自上游滙合東下過此一來於岷山名岷江又

南溪縣志

卷一

山川

五

名導江地志江源發蜀郡湔氐道西徼外今茂州汶

川縣江水所出也

水經注云江水逕汶山道汶出徼外岷山西至輪坂下而南行又東

逕其縣而東注於大江

地理今釋岷山跨古梁雍二州自陝西

岷州衛以西大山重谷谿衍起伏西南走蠻箐中直

底四川成都府西境

凡茂州之雪嶺灌縣之青城皆其支派

逕流眉州

至嘉定府城東南凌雲山下雅河水合之逕流犍爲

縣至敘州府城北繞東與金沙江合東下南溪縣一

來於雅河

方輿勝覽雅江以州名故曰雅河

亦曰銅河

蜀水經注以水自靈關來

華陽國志靈關有銅山故名

一曰青衣水

後漢書雅故

又大渡河

寰宇記大渡水從生羌來方輿勝覽解曰大渡水以溪名一統志解曰蘆山往來必渡此水故名大渡舊名泅水訛泅水一名沫水亦名陽山江源出松潘西徼外流經諸夷地過瀘定橋經越窩出清溪屬松坪土司之大板房至峩眉縣中鎮舊省志又名中鎮河按諸水俱合雅河者禹貢和夷底

績集傳和水今雅州榮經縣北和川水自蠻界羅岳

州東西來逕蒙山古蒙山在雅州西非今日蒙山所謂青衣江而入

岷江者也自嘉定府城東入岷江一來於雲南之金沙江禹貢

華陽黑水爲梁州集傳引地理今釋黑水卽今雲南之金沙江其源發於西蕃諾莫渾五巴什山分支之東曰阿克達母必拉南流至塔城關入雲南麗江府

南溪縣志

卷一

山川名

六

境東南流至姚安府大姚縣之左却鄉北打冲河自鹽井衛來會之又東入四川境逕會川衛南又東至東川府西折而東北流逕烏蒙府西北馬湖府南又東逕敘州府南入岷江以上三支匯流東下至南廣口符黑水南來注之漢書地理志南廣縣汾關山符黑水所出北至夔道入江卽此水也逕南溪縣城南東流入直隸瀘州江安縣西界

青衣水在南溪縣寰宇記在南溪縣南一里四步方輿

勝覽青衣江在南溪縣南十五里古有青衣國與敘

州相隣其人因賈至蜀見漢衣冠遂求內附江因以

名焉舊志有九盤溪在縣南三十里源出長甯縣鐵頂寺北流四十里與熨溪合熨溪在縣南二十里源出下界石牌頭下流二十里與九盤溪合二水合流是爲青衣水又舊志水北入江謂之青衣江青衣江口在縣東二里

按水經青衣水出青衣縣漢青衣縣爲今雅安蘆山地武帝罷沈黎郡置西都尉一治旄牛主外羌一治青衣主漢民是水由今蘆山厯雅安西境北入洪雅界又東南入夾江又東至樂山縣西合於陽江卽大渡

河下流也漢安帝延光元年青衣王子心慕漢制上求內附順帝陽嘉二年改郡名曰漢嘉以此而明統志南溪縣南二十里有熨溪源出下界石牌頭下流與九盤溪合是爲青衣江四川新舊志南溪東十五里有青衣江古青衣國與敘州相隣見漢衣冠遂求內附江因以名方輿紀要蜀以青衣名江者凡三一在漢嘉漢書公孫述據蜀青衣人不賓是也一在青神以蠶叢氏而人神之也一在南溪與青衣國隣其人慕義來此因以名之然通志云在縣東十五里又

云溪口在縣東二里考南溪縣東附郭有大小二溪其源委皆與青衣水之說不合至九盤溪又在今縣北而縣南亦無九盤溪之迹據云在縣南三十里源出長甯北流與熨溪合而熨溪又在縣西四十里縣南長甯之水又何能與熨溪合以今考之熨溪在今縣西大江北水南流入江下游十餘里對岸有三江磧在大江南水北流入江其源自長甯鐵頂寺來北流四十里出三江磧磧在今縣西南三十里意即古青衣水也舊通志云在縣東十五里者蓋據古南廣

縣今之李庄鎮言之也其云與熨溪合者蓋與熨溪對岸同合大江也

大江入境辨

按南溪縣治在敘州府之東南大江北岸江流自郡城來由江北距縣八十里之葛公沱入境至距縣二十

里之黃龍溪出境流經北岸者二十三處

葛公沱課稅壩麻柳

溝仙人場李子溝三江磧桂輪渡大石包熨溪口涼亭子楊柳青羅龍塲蝦蟆口郭家壩謝家壩牛頂口

槐子灘鷺鷥磧濫泥壩縣城龍穿磧大溪觀音閣九龍灘納撒窩麒麟蕩瀛州閣麻柳灣馬湛溪上中壩

中壩石城

江南由距縣一百里之水流溪入境至

牆黃龍溪

距縣三十里之繖溪口出境流經南岸者三十七處

水流溪蛇角溪高石梯金堆磐沱角頭李庄鎮三溪

口莫家壩黃家壩鴛鴦壩九索子苦竹垌菜子地鼎

錫灣手巴巖栢木溪花灘子沱角頭石笋金堆子兩

河口合璧窠栢木巖灌口獨珠窩沙灣頭丁石半

月池總磧壩灘子口于公廟銅鼓灘

野猫溪拖泥瀨老鷹巖沙嘴繖溪口共一百三十五

里此大江之水繞南溪境者如此也本邑有源之水

在本境入江者江北有夔溪出夔溪口貞溪出槐子

灘桂溪出濫泥壩小溪出護城溪大溪出大溪口馬

湛溪出馬湛溪口江南惟本邑鳳鳴山之水約行三

十餘里由九索子入江其他如蛇角溪栢木溪兩河

入江似毋庸置論矣茲舉南岸北岸有源無源之水

所以必詳晰並載者蓋志乘貴據古尤貴証今惟就

縣境有水入江之處條分縷晰則古人所謂江水黑

水青衣水在縣境若干里之誤可不辨自明矣謹列

於左

夔溪即舊志福溪在大江北岸縣西四十里發源宜賓

縣之高洞鄉南流六十里繞縣西北經黃沙河石骨

灘至茹溪合大江

南溪縣志

卷一

山川

貞溪在大江北岸縣西十五里其上爲貞溪橋無來源
夏秋合諸山之水入江

桂溪卽舊志之大溪口在大江北岸出西關外里許發
源本邑高熊里之牛角巖一由千坵塆一由龍頭舖
至雙溪橋二水合流經桂溪橋斜繞至城西會大江
護城溪卽舊志之小溪在大江北岸出縣東關外數十
武發源本邑之幟頭山經石灘橋瑞雲橋迎恩橋鳳
翔門皇都門兩橋屈曲繞郭至縣東關入江康熙六
十年邑令宋鑑疏築詳見藝文道光十七年夏溪水

暴漲舊岸冲圯水循西岸直刷城根武侯祠墻外茅
屋盡毀邑令翁紹海兩次撥公項八百餘串壘石爲
堤長八十丈捍蔽水勢又掘溝深廣各四丈引水循
東岸故道入江其頂衝處則壘土塹築巨石以衛城
基又修砌馬頭石梯三十一級視向益增完固焉

大溪在大江北岸出縣東關外里許發源本邑高熊里
之朱向二漕與穿底壩之水滙於龍灘口繞開元寺
山脚又合九盤溪屈曲旋轉厯五十餘里自北而東
入大江

馬湛溪在大江北岸縣東十里發源本邑之龍寶山經
漈家溝望龍山出馬湛溪口合大江

蛇角溪在大江南岸縣西六十五里無來源盛夏山溜
驟發其水出望仙橋下北流入江

九索子溪在大江南岸縣西四十里發源本邑之鳳鳴
山曲折而來經關帝廟胡家灘三十餘里北入江

栢木溪在大江南岸縣西三十五里無來源夏秋會鸚
嘴寺蘇家橋諸山谷水入江

兩河口在大江南岸縣西三十里石筍鎮之東無來源
夏秋會鸚嘴寺蘇家橋諸山谷水入江

南溪縣志

卷一

山川

十一

以上南溪南北岸有源無源之水入江者凡十處惟熨
溪之水源自宜賓縣高洞鄉來其他皆發源本邑卽
在本邑入江則無論江水黑水青衣水皆過境之水
於南溪無所牽涉也明甚舊志又云九盤溪在縣北
縣南無九盤溪之跡據云在縣南三十里源出長甯
北流與熨溪合而熨溪又在縣西四十里縣南長甯
之水又何能與熨溪合其說甚辯其後又云以今攷
之熨溪在今縣西大江北水南流入江下游十餘里

對岸有三江磧在大江南水北流入江其源自長甯
鐵頂寺來北流四十里出三江磧磧在今縣西南三
十里意卽古青衣水也舊通志云在縣東十五里者
蓋據古南廣縣今之李庄鎮言之也其云與熨溪合
者蓋與熨溪對岸同合大江也舊志之言如此則歧
路之中又有歧矣不可不辨考三江磧在李庄對岸
桂輪山之上與熨溪同在江北並不在江南且在熨
溪之上並不在熨溪之下而江南有源之水僅鳳鳴
山一處約行三十里由九索子入江亦非長甯鐵頂

寺發源之水又安能將就牽合謂三江磧在今縣西
南三十里鐵頂寺之水由此入江卽指爲古青衣水
也如古青衣水果由三江磧入江三江磧在今李庄
鎮卽古南廣縣治對岸之西亦非縣東十五里也總
之縣治有時移徙方位亘古不遷以今日之南溪証
之江水黑水青衣水三說旣非發源亦非出口又非
合流俱不足爲南溪增損如因古人一時立說而必
強目前之輿地以實之譬之移岸就船截趾適履似
亦可以不必矣然縣志固非炫奇逞博之書亦不可

廢互證參觀之學茲採各家註述有與三說相發明者備列諸篇以俟攷定其已載舊志者不列焉南廣水發源呂郤蠻部經承峩夷界歷慶符東北而來班固所言符黑水出南廣北至犍道入江者也杜佑通典遂以此當禹貢之黑水謂其經三危過南溪入南海殊誤陶雲汀侍御蜀輜日記

按黑水約有四一漢志符縣有水出犍爲南廣縣符關山北入江此符縣黑水也又黑水出漢中南鄭縣北山諸葛亮牋云朝發南鄭暮宿黑水此南鄭黑水也

南溪縣志

卷一

山川

十三

三黑水出羌中南通興扶州尙安縣有黑水此尙安黑水也四崇慶州西北有黑水元一統志云源出常樂山石皆黑此崇慶黑水也皆非梁州黑水行水金鑑韓汝節謂梁州別自有黑水從夷地分流千古卓識也李童山羅江縣志

九盤溪在縣北

舊志作縣南誤

昔有童子遇龍翁於此水勢彎

環不啻黃河九曲故名其溪曰九盤迄今有上九盤

中九盤下九盤之說至縣東會大江

水源詳上大溪

仙源池在縣北相傳劉景鶴煉丹初用此水今缺考

芙蓉池在縣北三十里龍頭堡新洞寺後

魚津一名魚符津又名鷺鷥蹟按郡國志云南溪縣西三十里有津津南有鴛鴦圻是也益部耆舊傳曰轆道有漢張貞娶黃氏女名帛因乘船過江船覆沒帛求夫屍不得於溺所仰天長歎遂自沉焉積十四日帛乃持夫手浮出灘下顏色如生因名鴛鴦圻

銅鼓灘在南溪縣東明統志在縣學東縣學舊未利近世灘之上流有石磧生高數十丈壅水自巽方而去自是文物大振舊志在縣東十里又縣東三里有九

南溪縣志

卷一

山川

古

龍灘石磧凡九皆狀如龍頭

石筍灘在縣西三十里江漲險甚窮冬水落岸有石長數丈如筍

鹽井九域志南溪縣有登北井今廢

葫蘆井在縣西北三十里劉景鶴嘗取此水煉丹鑿井口如葫蘆故名今形尚存土人猶汲水於此

飛霞井在飛霞閣西阜上嘗有赤飈自井中貫日觀者如堵

水利附

合堰在縣北五十里其源一自老虎洞逕向家漕馬頸
坳一自龍洞灣經龍塘灣二水俱從象鼻山合雙江
橋經紅廟子龍叵一路延沿決渠引水灌溉甚廣逕
迤自九盤溪通計可溉田萬餘畝

海棠堰在縣東十五里源自天馬山經龍透山大龍叵
白灘子一路逕迤自海棠堰出觀橋普門壩會黃龍
溪合大江沿流引汲可溉田六千餘畝

福堰在縣大江東南七里許源自隱山之青水塘下崖
經五斗冲過福堰橋北流出大江合銅鼓灘源委十
餘里可溉田千餘畝

鄧家溝堰在縣大江西南五里許源自觀音巖下鹿子
洞至鄧家溝分注蘆亭之上下壩上壩逕流洞子溪
出大江下壩逕流盤龍溪總積壩出大江源委各十
餘里可溉田三千餘畝

九盤溪在東關外大溪沿溪一帶低處堵築引水溉田
高處用木車俗名龍骨車翻汲源委數十里溪邊之
田俱可灌溉難以畝計

馬湛溪在縣東十里沿流可溉田千餘畝

羅龍池在縣西三十里有上中下三池相連如貫週遭可五六百畝每當秋穫後洩水遶集均灌注於中三池渾若一池遠眺瀾漫浩如煙海兩岸居民以小艇相往來恍入西湖佳勝夏初隄防疏流沿曾家壩而下可漑田三千餘畝而三池仍以藝稻縣境稱沃壤焉

碗廠堰在縣北三十里水從老鷹巖出碗廠溝三派分流右灌小屋基中灌老鷹壩左灌洗馬逃三派可漑田三千餘畝

按南溪地少平原田多犖确農人或數家沿溪爲隄以資挹注或一家倚陂爲塘以濟旱乾取水之法不一類多出桔槔之智焉視川西之活水分流沃野千里固不逮然桔槔雖甚勞而灌溉之利溥矣

